


Бандаларга тухфа қилинган Зулҳижжанинг ўн куни



16:13 / 02.08.2019 2850

Бандаларга тухфа қилинган мавсумлардан бири Зулҳижжа [ойининг](#) аввалги ўн куни ҳисобланади. Бу кунларни ғанимат билган, уларни бекорга ўтказиб юбормаган инсон нақадар бахтли инсондир. Бундай улуғ кунлар бандадан уни гўзал қарши олиши ва унда кўпроқ солиҳ амаллар қилишини талаб қилади. Инсон [дунёда](#) мусофир кабидир. Мусофир сафарга тайёргарлик кўриб чиқса, сафари хайрли, барокатли бўлади. Биз учун [дунёдан](#) охират сафарига тайёргарлик кўриб бормоғимиз лозимдир. Бу кунлар эса ўта қимматли ва қайтиб келмайдиган кунлардир.

Зулҳижжанинг ўн куни дейилганда бу ойнинг биринчи ўн кунлиги кўзда тутилади.

1323- نَمَامٌ: لَأَقْمَلِسُو هِيَلَعِ لَلِصِيَّبِ نَلْنَعُ، نَعْنَعُ لَلِضَرَسِ بَعْنَبَانَعِ- لُؤْسَرَاي: أَوْلَاقِفْ، رُشَعْلَامِ أَلْهَدَهْ نَمَهَلَلِ لَلْبَحْأَنْ هِيَفُ حُلْأَصْلَالِ مَعْلَامِ أَيْ أَيْ جَرَّحُ لُجَرَّأَلِ، هَلَلِ لَلْبَسِ يَفُ دَاوَجُ لَلْأَوِ، هَلَلِ لَلدَّوَادُ وَبَأَوِ رَاخُ بَلْأَوِ يَذْمُرْتَلْ أَوْرَاءِ عِيَشَبْ كَلْذَنْ مَعْجَرِي مَلَفْ هَلْأَمَوْ هَسْفَنْ ب

Ибн Аббос розияллоху анхудан ривоят қилинади:

«Набий соллаллоху алайҳи васаллам:

«Ҳеч бир кундаги солиҳ амал Аллоҳ учун ушбу ўн кунчалик маҳбуб эмас», дедилар.

«Эй Аллоҳнинг Расули, Аллоҳнинг йўлидаги жиҳод ҳам-а?!» дейишди.

«Аллоҳнинг йўлидаги жиҳод ҳам. Бироқ, бир одам жони ва моли билан чиқса-ю, булардан ҳеч бири қайтмаса, бундан мустасно», дедилар».

Термизий, Бухорий ва Абу Довуд ривоят қилганлар.

Шарҳ: Пайғамбаримиз соллаллоху алайҳи васалламнинг «Ушбу ўн кунчалик», деганлари Зулҳижжа ойининг биринчи ўн кунлиги, деганларидир.

Мулоҳаза қиладиган бўлсак, бу ҳадисда мазкур кунларда рўза тутиш ҳақида бевосита сўз юритилаётгани йўқ. Балки солиҳ амал қилиш ҳақида сўз кетмоқда. Нафл рўза тутиш эса энг солиҳ амаллардан бири ҳисобланади.

Зулҳижжа ойининг биринчи ўн кунда кўпроқ солиҳ амал қилишга қаттиқ тарғиб этишдан мурод, ўша кунлари қилинадиган солиҳ амаллар Аллоҳ учун энг маҳбуб амал эканлиги сабабидандир.

Саҳобаи киромлар бу сўзларни эшитгунларича Аллоҳ учун энг маҳбуб солиҳ амал Аллоҳнинг йўлида жиҳод қилиш, деб юрганлари учун «Мазкур ўн кунликдаги солиҳ амал Аллоҳ ҳузурида унинг йўлида қилинган жиҳоддан ҳам маҳбуброқми?» деб сўрадилар. Пайғамбаримиз соллаллоху алайҳи васаллам Зулҳижжа ойининг биринчи ўн кунлигида қилинган солиҳ амаллар Аллоҳнинг йўлидаги жиҳоддан ҳам афзал эканлигини тасдиқлаш билан бирга, биргина ҳолат бундан мустасно эканлигини таъкидладилар. У ҳам бўлса, Аллоҳнинг йўлида молию жони билан жиҳодга чиқиб, шаҳид бўлган одамнинг иши устун эканлигидир.

Демак, Зулҳижжа ойининг биринчи ўн кунлигида кўпроқ солиҳ амаллар қилишга уринмоғимиз лозим.

1324- ھي لعل لعل صلي بي نل انك : امة نع هل ل ل ي ضر ة ص ف ح و ا ة م ل س م ا ت ل اق و - 1324
دَمَحْ أَوْ يَأْسُ ن ل أَوْ دُودَ أَوْ بَأْ هَ أَوْ . ءَارُوشَ أَعَمَّ وَ يَ وِ ة حُ ل ل ي دَعَسْتُ مُؤَصِّي م ل س و

«Умму Салама ёки Ҳафса розияллоҳу анҳумолар дедилар:

«Набий соллаллоҳу алайҳи васаллам Зулҳижжанинг тўққиз кунида ва Ашуро кунида рўза тутар эдилар».

Абу Довуд, Насайй ва Аҳмад ривоят қилганлар.

Шарҳ: Албатта, бу рўза тутиш у зот соллаллоҳу алайҳи васалламнинг ҳажга бормаган пайтларида бўлган. Чунки Зулҳижжа ойи ҳаж ойи бўлиб, унинг тўққизинчи куни Арафот куни бўлади ва у куни рўза тутиш мумкин эмаслиги аввалги ҳадисларда зикр қилинди.

1325- ن م ا م ل ا ق م ل س و ه ي ل ل ل ل ص ل ي ب ي ن ل ل ن ع : ا م ا ن ع ه ل ل ل ي ضر ة ر ي ر ه ي ب ا ن ع - 1325
ا ه ن م م و ي ل ل ك م ا ي ص ل د ع ي ء ح ل ل ي ذ ر ش ع ن م ا ه ي ف ه ل د ب ع ت ي ن ا ه ل ل ل ل ل ا ب ح ا م ا ي ا
ي ذ م ر ت ل ا ه ا و ر . ر د ق ل ل ا ة ل ي ل م ا ي ق ب ا ه ن م ة ل ي ل ل ل ك م ا ي ق و ء ن س م ا ي ص

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам:

«Аллоҳ учун Зулҳижжанинг ўн кунчалик Унга ибодат қилинадиган маҳбуброқ кун йўқ. Уларнинг бир кунлик рўзаси бир йиллик рўзага тенгдир. Уларнинг бир кечасини бедор ўтказиш эса Қадр кечасини бедор ўтказишга тенгдир», дедилар».

Термизий ривоят қилган.

Шарҳ: Ушбу ва ундан олдинги ҳадисларда Зулҳижжа ойининг биринчи ўн кунлигида кўп ибодат қилишга, хусусан, ўша ўн кунликнинг кундузларини рўза тутиб, кечаларини ибодат билан бедор ўтказишга тарғиб қилинмоқда.

Албатта, Зулҳижжанинг ўнинчи куни Қурбон ҳайити байрами бўлиб, ўша куни рўза тутиш мумкин эмаслиги алоҳида айтилмаган, чунки бу ҳаммага маълум.

«Ҳадис ва ҳаёт» китобидан